






三  
無

文  
溫  
弱  
集





康熙辛巳五月七日客溫陵澄圃購此  
燈下與崑兒同繙閱因識  
鹿原

溫州集三冊

荀悅藻紀八冊

朱子大全集四十冊

灼艾集四冊



文温州集目錄

卷之一 古今詩



詩

卷之二

交游倡和諸公之作並附

詩

卷之三

奏議

卷之四

奏議

卷之五

奏議

卷之六



書

卷之七

公移

卷之八

記 序

卷之九

墓誌 墓表

卷之十

祭文 哀辭

卷之十一

雜著

卷之十二 附錄

醉翁亭

官舍自詠

傅僉憲過飲

全椒

淮陽道中

邳州有懷二弟

舊硯寄宗嚴

雲乘茶

茅山

冶父寺

蕪湖道中寄李侍御

次韻司馬通伯明遠樓對月 二首

再宿冶父寺

次張地官韻

次韻張地官對雨

南歸阻水

客思

和合驛

青楊驛

靜海驛

聞蛙

舟中懷林待用



夜經武城 二首

雨晴

濟寧

江浦道中憶故人

關嶺望滁

野飲

京口簡楊應寧

直沽大水

疊前韻答沈良臣

次韻良臣舟行相失

莊嚴寺避暑

舒城道中

寺中春

校滄洲集懷亨甫

偶成

還家

次韻謝邢長洲

荷花蕩夜歸

陪李瑞卿登玄墓

別李子陽

送侶都憲

停雲館初成

栽竹

陸全卿送牡丹栽

會葬顧素州

舟夜

答趙訓夫書

上疏辭温

述懷

辭温不得請

留別停雲館

入隆

蘭溪道中

客况

金華道中憶君謙

憶石田

夜雨

永康

青龍埠會余用昭

答迂

謁神

交藏積

郡齋偶成

寄壁

賀宜興公致仕

鴈蕩

得家書已上律詩

畫堂



書陳匯之扇

博平春日漫成

太僕初上

借居龍泉菴

醉歸

寄宗嚴

秋日

睡醒

客去

頑陰

春思

書眠

石田畫

舟中寫見二首

蘭溪夜泊

上頂埠

青龍埠

馮公嶼

却金館已上絕句

卷之二 交游倡和諸公之作並附

秋日懷歸

次韻留別張滄洲

懷沈石田

次韻荅李侍講

次韻別張滄洲

出京書懷

次韻荅劉邦彥

遊西湖壘前韻

博平縣齋偶成

次韻司馬提學二首

訪莊定山不遇二首

荅石田見懷

宿匏菴海月菴次韻

簡呂少卿秉之

次韻再贈

春日感懷呈秉之

家弟春捷荅秉之

次韻秉之述感

次韻秉之寫懷

元夕飲海月菴

次韻西涯賦蘋婆

次韻荅杜言符

再荅潘時用

潞河公館懷時用

再疊前韻

北歸舟中寫懷二首



約秉之山行不果

次韻秉之元日

訪莊孔陽二首

同秉之賦滁王廟

奉天門引滿

次韻荅西涯贈別

直沽大水

荅秉之賀生孫

春興四首寄定山

訪定山溪雲亭

次韻荅定山

次韻酬石田二首

次韻石田理墳二首

乙巳初度

季夏齋居

懷李少卿貞伯二首

家居荅秉之見懷

次韻荅石田

次韻荅君謙

同君謙遊虎丘

匏翁撤醫俗亭

訪石田有竹莊

乙卯初度

雨夜與石田話舊

次韻匏翁謝贈匏硯

中秋對月懷匏翁

重陽卧疾簡匏翁

初作小山

聞温州之命荅石田

寫照

荅匏翁謝寄茶具

次韻荅石田見寄

雁山期方石不至

歸途懷方石二首

次韻方石聞

詔二首

再疊前韻荅方石

自遣二首

感事二首





文溫州集卷之一 古今詩一百三十六首

中順大夫浙江溫州府知府文林宗儒

冬日感興

落木園林空。方池水深碧。物色垂澹清。湛然屏人跡。  
杖藜撫孤松。復坐松下石。西山入懷青。寒鳥斂歸翮。  
浩浩宇宙間。流光自相迫。大化豈有終。初陽替地脉。

送秦良翰

有客出長安。黃埃漫烏幘。四月天氣寒。涼風遍郊澤。  
堤柳積重陰。鶯鳴度瑤席。念子歸故鄉。羈懷余轉惻。  
吳山高峴峨。吳水清且碧。孤松白雲開。涼露翠欲滴。  
天光發宇宙。盤桓竟朝夕。北溟有巨魚。千年養鴈翮。  
風微海不運。終與南溟隔。豈比鷦鷯翔。去止無所擇。



伊呂昭功名。所志在隱逸。良賈不入城。所蘊有佳璧。去住何足憂。世事皆博奕。

永嘉縣齋寫懷

墨綬垂青絲。銅符寵郎秩。駕言謝朝行。出領滄海邑。脉脉辭親知。依依去鄉國。淅行僅千里。已在東南僻。地遠煩刑誅。年貧正艱食。自顧書生愚。疇堪付休戚。流移已懷慚。征歛况余職。平生跌宕懷雅志。山水適及此東嘉遊。清真信靈域。豈無康樂情。坐有民社責。歛板事承迎。鈎稽困文籍。拂意不能歸。自愧陶彭澤。

別袁太平德純

南國有畸人。月恒與之俱。雲裳紉蘭茝。飄飄凌堪輿。好修去凡近。言嘗遊舜都。道路坦不遐。太上遺廣居。

悠然入燕息。煩痾脩祛除。顧茲歷履佳。墊溺誰與扶。紆轡東海濱。荆棘交長途。我轅幾不復。正立長嗟吁。長波弱砥柱。珉重無璠璣。浮名同野馬。造化惟吾徒。言既別我去。明月升天衢。寥廓湛虛寂。令人增歎歎。

郡檄督秦順銀課

暑月使秦順。清晨備結束。僕夫艱百載。輿馬苦躑躅。復嶺踵迴岡。山勢多起伏。升高如梯雲。或下入深谷。或坦如周行。或輪如鈎曲。幽草不辨名。巖花競紅綠。陰深霧不消。慘澹雲相逐。綠山壘石田。絕壁綴茅屋。雲開覩雞犬。依然自耕牧。聖朝奄九有。此地本蠻族。近年亦貢金。國用豈不足。山人走相訴。連歲苦不熟。宿逋未能償。新欠已相續。昨日賣一男。今併妻女。



鬻盡斷骨肉。恩不救。誅求酷。我意山中幽。誅茅思卜  
築。聞此重感傷。書生直竊祿。安得乞身歸。免食饑民  
肉。

博平春半述懷

土城半頽人十戶。月出無烟望多樹。樹枯自念天正  
寒。雪消忽計春將暮。却憐青帝亦世情。可柰東風不  
相顧。野老立庭言貌古。漫呼爾汝忘官府。府牒聯翩  
呵不辦。從吏木僵心益苦。直性不揖督郵怒。獨抱瑤  
琴調鶴舞。平生肯落塵網牽。居然朗誦逍遙篇。天地  
造化一鑪冶。萬物銷鑄猶銅鉛。嫫媧施朱西子醜。松  
栢黯澹桃李鮮。浮名富貴聊爾耳。有酒北窓高枕眠。  
不能作書上宰相。不能內徙如登仙。不能飽和淵明  
詩。不能遺愛受一錢。簿書往復抵押字。官舍間寂堪  
逃禪。饑民且勿向我泣。我不謀遷歛爾急。今年莫怨  
役不均。新來縣官難處分。

洗堂雨歌

吾儂作縣太認真。兀坐常類木偶人。事來面前得喜  
怒。學踈心上迷經綸。春冬苦旱半年急。晝夜裏熱雙  
眉鬢。幾回豐隆黯欲滴。展轉風伯晴揚塵。欲扳北斗  
傾海水。竟無馬鬣翻天津。天關謹鑰叩不應。神龍掘  
項撼莫伸。痴兒盡心了公事。吾知作堂安吾身。衆謂  
堂成必有雨。我言欲雨堂何補。人心能致天地位。民  
力偏嫌木妖苦。堂完二月三十晚。星潢昭回爛天宇。  
曉起梳頭郊謁神。旭日將昇光焰吐。南雲如墨來氤



盪須臾雨脚從繽紛。簷溜淙淙石渠響。草痕細細土  
階紋。歡騰道上萬民遍。愁濕枝頭百鳥群。我堂塵瓦  
淨於洗。我心清涼如飲水。太空冥冥豈有私。陰晴不  
足人悲喜。董奉屋成雨自暮。吾道非仙何並數。嗚乎  
堂完民逸喜雨來。豈謂斯堂能致雨。

飲馬長城窟

飲馬長城窟。馬嘶躡翹首。下馬獨沉吟。骸骨盈隴畝。  
長城固未頽。秦王身已灰。徒思萬萬世。空訪神仙回。  
一夫怒攘臂。子嬰首先繫。胡人竟不來。智慮徒自備。  
堯舜已云邈。夷齊不再生。籍籍天壤內。千秋萬古名。  
淒風起蘋末。落日淡荒渚。悠悠行路心。默默向誰語。  
張憲副山水障子

山高出雲在平地。千村萬落連春水。乾坤氤氳元氣  
濕。江湖滿地流瀰瀰。模糊雜樹綠滿眼。臺末閒花紅  
半壘。忽見芳洲草樂間。微露樓臺烟雨裏。山家茅屋  
晝不關。背喧高閣深厓間。山人對坐奕不語。客載小  
舟何時還。斜橋引出灤西路。欹岸直抵涇南渡。開園  
慌入洞庭遊。又似天台靈隱去。耳邊汨汨聞溪聲。堂  
上真疑結嵐霧。蓬萊閨苑想在此。青鞋布襪宜相顧。  
試問神仙結遊伴。却我冠裳塵土滿。幾時置我圖畫  
中。還似神仙更蕭散。

歲晚除易官舍書事

地僻無俗擾。官閒有餘歡。焚香對書几。紅日上琅玕。  
造化妙發育。湛寂斯本原。日月自盈虧。四時同一元。



葉脫辭故枝。蘊畜生意繁。屈伸無停機。福禍相循環。世道若繪事。五色綴爛斑。青山默無語。流水空潺湲。窓下且獨酌。春意回衰顏。

龍池篇

滁陽栢子潭。相傳有龍居之。神祖側微時。嘗有所覩。既即位。禱雨有應。親為文祭之。建閣潭上。下為兩隧道。甃砌甚工。比歲傾圯。殆盡。惟宸碑猶存。

澄潭有龍山之阿。靈壇石觀空。嵯峨畫梁朱栱沉。草莽螭碑。宸翰牽籐蘿。野老當前訴。纖采舉手贊揚。還指畫。神祖側微德配天。鬼神呵護山為宅。潭之五龍若豢馴。往來參謁朝以夕。若願奮鬚蕩腥膻。

若兆。聖躬膺寶曆。聖心默識如諦明。從茲一逝。

先南征。群賊烟消勝國平。蠻夷率服。皇風清。洪武

丁卯夏亢旱。金流石爍。烈焰生。九重深恤。生民隱靡。

神不索心。怔管。舊時神物。忽記憶。命官詔諭。摠精誠。

霎時片雲掩。九有雷車。電掣天晦冥。甘霖萬里盡沾。

足黔黎。司口稱。王明親勞。聖製下丹陛。文光上

射牛斗。楛大官迢迢。致牲醴。百司雜遝。爭趨迎。司空

伐木衡陽濱。五丁鑿嶂。芝荆。丹楓翠栢。湧勝駉琳。

宮貝闕高崢嶸。上阜崔嵬。下陸。遠近中虛。敞旁簷。抗

閣道縈紆。圍一水。嶮巖削平餘。十軍蓬萊。倏忽降塵。

凡金碧參差。照巖岵。雲飛冥冥。山鬼藏靈。風颯颯生。祥光年年祈報。馳村叟。處處靈氣。薰福梁。春風三月。



巖嶼青遊人布武看花行。推牲載酒動綺席。吹笙擊鼓娛神靈。只今棄背才數載。眼見韶華頓更改。牛羊歸盡夕陽多。對此令人增感慨。我聞此言心慘悽。神物感遇亦有時。吁嗟榮耀有終期。長歌激烈青山悲。

首夏齋居即事二首

幽齋坐織雨。綠樹繚周垣。青山在屋上。好鳥如晤言。一官居野寺。性本愛丘園。松花飽日夕。沆瀣供朝飧。遊神羲皇上。形槁心獨存。緇塵暗岐路。吾方掩柴門。

其二

孟夏日已永。蘊袍寒未更。頑陰蔽白日。零雨久未晴。麥苗漸不實。悲草爭敷榮。大化不可竟。濁醪還自傾。

具

乳雅何聒聒。燕語何喃喃。微物染化機。張皇性所甘。大造醞醇醪。群動每沉酣。人夢復言夢。市視恒耽耽。昨日桃李花。今朝葉氾氾。世事即瀚海。蕩瀟不可探。感嘆方自此。高詠望江南。

夏夜露坐

新暑夜不寐。披衣坐中庭。山深絕更漏。高閣度流螢。愁來忽俛首。仰見河漢熒。牛女若有言。道我食茯苓。簪珥非不樂。老壯恐彫零。

自警言

為學知句讀。碌碌未聞道。群居坐嗷嗷。進止常倨傲。言悖無不雙。德涼無不報。固自防有患。決去力未到。眾中值長老。直斥曰浮躁。爾汝本羞惡。自取何足悼。



尚欣學可進。有過人直告。再拜靡不承。云胡不慙慙。  
勉旃自今日。慎毋受嫉媚。

贈金相士

相馬相骨不相肉。相人相形還相心。相肉失騏驎。相  
形昧孔壬。舜瞳胡爲同。項羽虎貌焉得似。尼父跛壽  
不仁。回歿而純。景公非富。夷齊非貧。貌當富貴。負且  
乘何如。貧賤陋吾形。天生爾目。攻隱微。相形須相心。  
勿違。勘磨直欲入幽暗。告人禍福。先心機。我貌不揚。  
我心多非。謂當久貴。非吾祈。官間爲樂。不可極。祿厚  
知負常懷歸。送子出山。天杳杳。長松獨鶴。揜荆扉。

次韻呂秉之郊居

山中少過客。白日長揜門。落葉辭故枝。西風滿丘園。  
瞻彼瓜豆架。蕭疎霜亦繁。實已歛余篋。種種粒不昏。  
株拔絕荒穢。生意固自存。春來土膏潤。播爾力不煩。  
一本復萬有。大造無私恩。靜以觀物理。杳不與世喧。  
貞爲事物幹。復乃天地根。脫落闔闢機。玄矣難爲言。

送秉之

南丞太僕官。野寺深沒翠。微背城治。重岡籬落散茅  
茨。曲徑籐條穿棘刺。僚長月餘見。忽散簿書。擲呼  
押字。庸人冥契。山水間佳興。肯厭官職間。豺狼怒躑  
躑。畫上座。歲丁未。有狼由寺前入。歸思咄咄。門常關。君  
時傳呼入。叅佐。是然空谷喜無那。遥遥丙午冬十月。

一見傾倒已默荷。儂儂鄉語恰吳音。耿耿忠懷徵楚  
些。風緊遙承宋呂誨。筆力遠軼唐李賀。才高長嘒量



可俯詩成不鄙我亦和。開筵俎豆春風迴。論事斧鉞  
嚴霜摧。豐樂亭開發曠逸。岷岬路迥登崔嵬。援我着  
屐陟峯頂。許我醉眠分礪隈。剖我懷抱解我圍。祛我  
迫隘植我頽。高堂揖讓阻諧譖。群僚翕集相徘徊。乃  
知人侮必自侮。我惟戚戚君恢恢。長卿哭母君代署。  
門境清嚴吏人懼。位崇體悉氓民艱。地曠手栽百行  
樹。爬梳民隱正吏權。一疏上。允恩蕃宣宿弊風。聞  
似拉朽。庶政蝟舉猶烹鮮。畿甸千里江南北。塗炭百  
年民蘇息。吏間處處省誅求。土瘠年年穀衣食。積德  
冥冥君自深。彼氓何知我默識。兩意沉酣交甚坦。三  
載勤勞君修滿。我昔以君留至今。君今去余莫余紉。  
杯酒長歌風日寒。空山人遠欲別難。北望遙遙心斷

絕。夢。竟。昨。夜。到。長。安。

家居小樓會客分得足字

宦將本夙好。負病厭馳逐。屛勉歸故園。勸鳥今止宿。  
朋舊月一飲。輪我會再續。布韋借縉紳。班坐人五六。  
摘蔬夜猶鮮。漉酒冬已熟。薄言讌樓居。飽豈在梁肉。  
白雲墮書几。鳴鳥隔林屋。過雨阻新暑。首夏氣清淑。  
及茲風日佳。泥飲勿辭足。

和唐寅白髮

氣羸髮先改。五十頭盡雪。豈無年差長。美髻鬢如涅。  
顏頽詎足嘆。樹立恐中折。服善死所甘。僥枉生亦竊。  
葉脫根株固。貞元難遽絕。天地閔殺機。與奪誰窮詰。  
鏗壽今亦已。回死有餘烈。數命人人殊。疾徐付甘節。



大冶範我形。堅脆任生滅。

與二弟汎舟遊吳氏東莊因寄匏翁

緣城吟流水。榆柳綠蔭門。艤舟信登陟。忽得吳公園。  
小亭面高岡。蘿徑隱可捫。青山出墻頭。白雲宿籬根。  
歌鶯滯池曲。遊魚戲波渾。繁景當首夏。過雨氣微溫。  
老我獨已樂。借有弟與昆。清唱散林木。起行歷郊原。  
日斜亂人影。眷戀忘歸轅。水木余夙好。况茲故情敦。  
主人方宦達。樂事誰與論。室邇人則遐。相思黯銷魂。  
出處各有會。一笑覆餘樽。

二檜

去年得檜龍骨立。今年得檜雷斧劃。二檜相當較淺  
深。我解歷年皆過百。一檜風雨鱗甲動。一檜雪霜蒐

魄。螫蒼髯落落兩健將。欲鬪未鬪髯鬚戟。孔明老栢  
大難用。玉晨左紐顧何益。何如二龍宜矮屋。就束甘  
卑鎮歡懌。既不思致廟廊求。又不思避樵斧索苦心。  
何曾蝕螻蟻。元氣常盈歛。只尺有如二子卧首陽。木  
僵久與繁華隔。心符操似地復同。奚必操戈自相隙。  
怡然復好息。戰爭老夫毅然插血盟。鳴琴中坐調雙  
清。好風颯颯秋月明。

除溫自嘆

富貴陌上塵。流光倏更謝。大冶百年內。驅馳等郵舍。  
解組未五十。衰貌已堪咤。逋亡更七稔。須髮益變化。  
守溫沐。嘉寵促行不少借。老骨折艱難。忍遭列司  
罵。酒困寢方熟。叱起受鞭駕。孀嬪甘苦單。而乃策之



嫁。傍徨復傍徨。何當返耕稼。

戊午春將赴溫州。楊君謙禮部邀餞於虎丘同。

集者沈啓南。韓克贊二老。復巾杖藜。韓從子壽。

椿與朱性甫。青袍方巾。唐子畏。國並舉子。

巾服而余與君謙。獨紗帽相對。八各。

為侶。適四類不雜。

鳥歌當離筵。東風逗微雨。會合飲中仙。兩兩各相侶。

二老行紆徐。二妙足高舉。儒袍聯魯生。烏紗對賓主。

酒半散林壑。尋詩鏤肝腑。詞鋒挽落暉。酣戰走旁午。

冥搜隘八極。光焰互吞吐。珠璣落吾手。拾襲誰敢侮。

悠悠大塊內。何物不叅伍。嗟余獨行邁。棄斥無所與。

後十日啓南復邀餞於君謙之南峰草堂。

麗日進方舟。賓朋試春服。青山載遠途。清溪揜林曲。

登山謁高人。華屋枕脩麓。松竹羅庭除。白雲隨牀褥。

天幔石作屏。古殿苔竄綠。振振關西子。久已在空谷。

欲從卧十年。稍為脫凡俗。胡為落塵網。行役苦疾速。

祖筵徒自玓。絃歌鎮悲促。躊躇不能忘。便擬巖下宿。

七里隆

青山慊吾意。舟子莫余違。言茲隆中遊。兀坐敞蓬扉。

須臾來萬狀。雲水鎮依依。儼居方池中。四面羃翠幃。

偃仰斷且續。高下墮還飛。挿天蔽星斗。伏地堪魚磯。

平平羅几案。整整列鼓旗。大將坐橫劍。萬馬紛而馳。

呀然散不收。忽合如長圍。如行圖畫中。而罔筆墨畦。

平生跌宕懷。老大丘壑姿。不圖行役地。乃與勝境期。



惜哉南北人。安得久於斯。

金華道中風雨憶故妻

感昔年少壯。挈家來宦游。官卑無館傳。六口聚民舟。時時閣淺灘。亂石雷聲侷。到縣祿不給。送妻還故州。廿載復經行。白髮被滿頭。清溪不改故。官舸乘中流。懷人渺何許。墓木空山秋。嘆息淚盈把。促促生煩憂。

觀射

爽氣嚴重袍。委巷露凝濕。新篁擠老幹。瓜蔓互纏緝。小山繞民居。流泉俯堪拾。佳氣逼畸人。不覺滯城邑。青衿分道長。射圃導余入。古禮捐之久。孔聖既嗟及。小子何為者。率爾敢效習。

構巽山

一名積穀山。懸崖嵌謝岩二字。蓋靈運舊遊也。

踈林澹寒烟。綠篠綴荒壁。肩輿陟峻坂。疲爾心戰慄。高城落海際。大江纏塹碧。崖嵌謝岩書。水溢謝池石。若人去緜邈。千載寓奇跡。慚余繼遠塵。才難濟飢溺。名位漸卑亞。奚以媲美績。頽風日滋蔓。孱弱懷促迫。晨昏塞案牘。罔敢踐踈逸。小構積穀巔。願言裕民食。良疇四望平。群山趨几席。農事在勸懲。遊觀本何益。短些起靈運。聊爾詠朝夕。

卻留

吾行試海郡。薄言拯民罷。紀綱未周悉。彈章出南司。辭簡擊尤切。請余身不持。吾知久任率。貧墨耽書詩。所以久辭祿。七載卧茆茨。科頭躬耒耜。散釣野水湄。出守非余好。懇疏不得辭。攢眉出北莊。不挾妻與兒。



江表集卷一  
晚首拘法制。羔膝謁故知。老拙苦期會。勤勞寧憚知。  
勞獨未能念。徵歛復不慈。回憶康濟心。迴絕靈以施。  
上下兩相負。歸計旦暮馳。疏災劾臣致。冀得流荒涯。  
言在莫為達。徬徨病益衰。幸際言路開。所効同我私。  
遠此當放逐。歸去甘如飴。春山潤膏雨。春風暢枯枝。  
開籠出孤鶴。冲天那復追。相如懷和璧。碎擊終無疵。  
溫民勿挽留。代我必勝而。

感懷是歲成化癸巳

家室倉皇付草萊。含情自下讀書臺。不知滿地梅花  
落。又見東風燕子來。六尺微軀何處着。百年笑口幾  
時開。最憐門外青松樹。盡是兒時手自栽。

永嘉墨池廟祀王內史羲之

墨花冉冉沁清渠。珍重當時內史居。拙道才名無可  
尚。豈知遊戲是其餘。荒祠久系東嘉愛。信史猶傳北  
伐書。一瓣心香千載意。靈風渺渺送雲車。

喜桑民懌至自吳門

奔走卑官歲再更。江湖偏重別離情。逢君怒罵為知  
已。顧我摧頽負此生。細雨燈花銷午夜。青山詩思繞  
孤城。自慚不是臨邛令。至安能重長卿。

溪

窈窕入迴溪。春深花片稀。絕灘魚逆上。掠草燕低飛。  
雲歛樹初出。水窮山復圍。仙源不知處。獨棹小船歸。  
入鴈蕩

山深斷車馬。雞犬亦蕭疎。澗道散蒼莽。峰巒翔紫虛。



扳援絕鳥道。宛轉得僧廬。不覺凌絕頂。身寒雲滿裾。  
妻兒祁元吉。爲余携家累。還吳。

西望吳門半月程。東風江上片帆輕。還家依舊貧妻  
子。知己平生外弟兄。越嶺雨多宜避瘴。武林人轉早  
回聲。白雲斂盡春城暮。渺渺晴空一鴈橫。

清河道中

畏懷常只抱書眠。卻醉多應惜俸錢。落魄乾坤愁裡  
鬢。驅馳南北夢中年。長河落日孤舟外。斷听春風野  
草邊。袞袞天機山滿眼。棹歌一曲破蒼烟。

北行舟中晚興二首

月上遙天暝。風來野水清。片帆飛鳥疾。獨坐看雲生。  
在客夜偏冷。思親夢亦驚。青春空有待。白髮已無情。

日落天半赤。草枯山不青。窮途宦情薄。獨夜旅魂醒。  
違絕故鄉月。驅馳蓬髮星。乾坤空納納。搔首倚寒屏。

泰安靈巖寺

匹馬強支持。長途入翠微。山高日初上。秋老樹還稀。  
門外一溪隔。人間萬事非。虛堂雲卧冷。似醉未能歸。

泰山

自是乾坤真氣象。不同蜀道苦巖墟。俯觀萬象沉蒼  
莽。頓覺一身陵大虐。秦帝何勞留玉檢。山靈應自笑  
天書。徘徊絕頂不能去。日照觀頭堪卜居。

博平赴 召贈交代王明府

博平新尹莫憂難。我是當時舊長官。事簡鳴琴還有  
暇。民貧施政合從寬。桑麻四野雨常足。桃李滿蹊春



不寒。百里星郎無謂遠。治聲十日到長安。

滁陽間居

一命南來得馬曹。十年壯志靜中消。長閒秣樂得春  
睡。酷熱還思博早朝。官在溪山猶獨鶴。身離枳棘即  
層霄。醉翁亭下行歌晚。月照肩輿歸路遙。

醉翁亭

翼翼立亭倚礧濱。亭前草樹澗前雲。西南正據岬岬  
勝。今古難刊六一文。客散依然禽鳥樂。山空獨有水  
泉聞。蒼顏白髮聊能醉。不是當時舊使君。

官舍自詠

公第城南寺。雲房松外居。樵山知藥草。引水得溪魚。  
身病難供世。官閒欲著書。客來問生事。短褐課犁鋤。

傅僉憲希說過飲寺中

官舍廻溪野寺深。漫勞車馬駐雲林。高懷解脫公家  
事。罇酒都傾物外心。五月寒生高閣晚。半山青落小  
庭陰。醉翁已往泉聲在。願譜新吟托素琴。

全椒

禾黍高低十里青。淡烟一抹裹郵亭。頽城遙落遠山  
阜。荒市中分野水江。喜有民風皆悶悶。賴無公事得  
醒醒。六朝爭戰餘丘隴。目斷江天虛翠屏。

淮陽道中

依依郊野積陰濃。物色光含造化工。水足秧田浮淨  
綠。春歸柳市隱殘紅。澤膏晴歛千山雨。溪路吹寒五  
月風。回首鄉關天塹隔。欲舒雙翅附冥鴻。



邳州阻風有懷二弟

風激斜塘河水立。雲連落日楚山橫。孤舟夢覺吟春草。獨夜愁并泣紫荊。別後知吾身尚健。老來喜爾學垂成。傳家事業青雲在。看取同登萬里程。

舊硯寄宗嚴

壬辰歲余試禮部。杜用嘉先生以小端硯相贈。其唇有噉。可以引繩。携持自銘。其陰為余。廷對之。非是歲果忝進士。携硯入對。大廷及今丁未。

十又六年矣。宗嚴弟復試禮部。遂以付之。并寄此詩期。廷對之後。轉以付宗質云。

短硯稜稜紫玉膚。杜陵投贈手親劬。曾携對策朝金闕。還擬傳家代玉符。兄弟登庸輪及爾。子孫敦軌

計同吾。殷勤付去傳臚後。轉與三郎入仕途。

雲葉茶

嶧山出。土茶類。葉小而僧焙而藏之。其味甚清。

僊家白石煮為糧。僧摘野茶如小葉。餅作鳳團烹蟹眼。路經龍窟統羊腸。飲銷凡骨雲生腋。夢覺清風月在房。雙井劒溪還勝負。當年陸羽未曾嘗。

茅山

地肺神仙宅。陶公亦舊遊。洞陰雲書合。澗綠水春流。多病思丹井。虛名感畫牛。歸途向城市。回首思悠悠。

治父寺

暑伏僧房枕。寒偎石竇雲。官間知解脫。心遠絕塵氛。山鳥引鷄下。崖蜂受蜜分。物華正堪戀。歸思已紛紛。蕪湖道中寄李侍御



炎暑如蒸身似泥。孤舟眠過大江西。月明長浦青山  
隱。水浸圓沙白鷺栖。竹下行厨僧寺酒。池邊分卧野  
人堤。相思無限別來意。未得相逢爲品題。

次韻司馬通伯明遠樓對月

月上夜初寂。窓虛樓倍明。冷將金露氣。遠重玉關情。  
碧樹千村合。青山一髮橫。居然人境別。恠底句還清。

又

樓隱月初上。檻浮雲細生。大江秋氣早。獨夜旅魂清。  
魄幻山河影。潮驚風雨聲。仲宣詞賦好。還擬獻瑤京。

再宿治父寺

了事痴兒行不前。却來治父息塵緣。官閒身嬾便山  
寺。僧定日長如永年。高閣冷含千嶂雨。古苔荒帶一

溪烟。淹留菜下浮屠忌。四宿慚余未肯旋。

北行道中次張地官韻

一官秋作客。千里曉回裝。月落天浮白。霜餘葉墜黃。  
人間榮辱少。心遠詠歌長。杯酒青山下。那知塵世忙。

次韻張地官對雨

連雨作風信。頑陰苦客情。濕隨秋葉下。寒逐暮雲生。  
旅館逢長夜。孤臣對短檠。天明紅日上。萬國覩新晴。

南歸阻水

孤館春寒起較遲。滿窓南日雪晴時。旅魂歷歷都成  
夢。世事悠悠不可期。百歲光陰忙自錯。一官奔逐老  
還痴。河水莫阻南行棹。到處雲山叫子規。

客思



寒迫重裘曉更清。宦情羈思坐來生。眼前世事浮雲  
過。醉裏驚心獨鳥鳴。夢入故鄉春社散。愁懸孤館夜  
燈明。南歸久負梅花約。恐聽東家笛裏聲。

和合驛

孤艇飄飄浪打蓬。客懷無奈酒杯空。地偏西北關河  
冷。天近清明日夜風。柳塵埋春色。黯野塘冰決。晚  
潮通。自憐十載驅馳意。獨立長歌落照紅。

宿青楊驛

市冷人家靜。途長客思增。夜潮舟浸月。寒渡水流冰。  
破驛沉高岬。疎林見遠燈。空囊寒食近。瀚海一浮僧。

靜海驛

深夜驛途靜。長河瀚海通。舟明沉水月。燈暗落潮風。

暝色浮烟外。春光欲雨中。年年苦行役。踪跡任飄蓬。

聞蛙

犀舟歸日夜。物翫旅魂清。晚樹鳥爭集。春田蛙亂鳴。  
微雲澹新月。殘角隱孤城。繫纜驛樓下。悠悠鼓二更。

舟中有懷林待用

渺渺長波暎遠空。依依新柳颺春風。相思人在青山  
外。盡日舟行細雨中。汲黯身為漢廷重。杜陵詩到錦  
城工。天王明聖江湖遠。贏得驅馳兩鬢蓬。

夜經武城

古之武城在魯地今東昌武城非舊跡也

春光過二月。草色刺芳洲。雨濕雲低罨。風微水靜流。  
亂雲屯往路。垂柳颭行舟。聞道武城近。悲笳出戍樓。

又



苦雨還寒食。行舟過武城。幾回詢故老。何代亂真名。  
古寺僧常在。荒臺鳥自鳴。悠悠懷往事。春水坐來生。

雨晴

雨晴雲散晚風柔。野色烟光翠欲浮。竟日波濤依岸  
轉。一天星月趁船流。痴將世事春成夢。老換年華雪  
滿頭。天地不私身自拙。有人談笑覓封侯。

濟寧

客棹一身渺。歸程千里多。寒雲挾疎雨。秋水逝洪波。  
亭界短長道。泉分南北河。醉醒蓬底坐。何處起漁歌。

江浦道中憶吳中故人

回首江南思欲迷。夢中談笑故人違。不辭行役青山  
笑。但恠傳呼白鳥飛。世態昔經多事悟。宦情今入暮

年微。何當載酒橫塘路。扶醉村家看月歸。

關領望滁

絕頂長途行木杪。重盤空谷入雲深。老夫已自離塵  
想。高世能忘濟物心。春去名園千樹綠。雨餘斜日半  
山陰。歸途漸覺滁陽近。燈火遙遙生遠岑。

野飲

行厨薄羅列。僚友共裴徊。心遠谿山靜。酒酣風雨來。  
長林孤鳥沒。近寺一僧回。倚杖看城市。黃埃漫作堆。

京口公館東楊應寧

清明寂依舊。旅館正思君。春色計半去。江聲來獨聞。  
畏寒猶宿火。移坐盼斜暉。只尺睽離地。悠悠隔暮雲。  
直沽大水



新漲滔天茫不收。哭聲老稚散田疇。固知后土能兼  
載。卻使玄冥得橫流。樓自柁中驚浪入。人從樹杪畏  
行舟。鴻荒既遠無神禹。遙向江湖望帝州。

沈疇德良臣見和再疊奉酬

秋雨冥冥晚乍收。鳴蛙閣閣亂荒疇。弱憐什柳隨風  
舞。靜愛行雲逐水流。署既有曹甘數馬。官常爲客識  
操舟。疇途喜子詩頻慰。節飯猶勝飽惠州。

舟行與良臣相失良臣有詩次韻奉答

別我天津買畫船。暮雲橫射夕陽穿。坐因有約常虛  
左。行爲無心誤向前。新鴈叫空秋思集。短篷驚雨夜  
燈懸。逢君夢裏分明話。猶滯垂楊古渡邊。

莊嚴寺避暑

野寺雲藏驛路偏。暑尋僧引石林眠。碧含幽草簾櫳  
外。涼送清風殿閣邊。事百年忙又錯。養心一味靜  
猶禪。終嫌車馬非真適。欲解微官謝世緣。

舒城道中

老大官猶僕。驅馳力強支。雪深經日薄。雲冷得春遲。  
短褐過時敝。愁顏覽鏡衰。不堪遊息地。行李又追隨。

寺中春

野寺沉深門半扃。易窓睡起晚風輕。雲開半壁夕陽  
出。花落一庭春草生。鳥掠池中得魚去。鶴歸雲外傍  
僧行。馬曹散吏真如隱。只欠山田帶雨耕。

校滄洲集有懷亨甫先生

幾度思君哭未休。斷編殘墨手親裒。可憐功業惟餘



此况復遺三不盡收。京國夜寒親雪館。路河秋雨並  
蘭舟。叔牙已死誰余及。拭淚山窓搔白頭。

偶成

案牘塵堆手懶拈。病驅王事路還無。然灰已分初心  
冷。嚼蔗方知晚境甜。憂國無詩招杜甫。開情有賦識  
陶潛。不須覽鏡知容貌。白髮經愁日日添。

還家十韻

中外驅馳二十年。整依乘梓息塵緣。豈無薄祿終非  
計。幸已還家莫問田。歲久先廬從敝甚。水邊喬木故  
依然。過從喜有貧親戚。檢理猶存舊簡編。千載秋風  
三徑菊。一篙春水五湖船。飯抄雲子長腰米。羔煮銀  
絲縮項鱸。繞屋溪聲林下樂。滿窓花影日高眠。晚於

世味駸駸淡。靜覺閒居

賢作計已逃多辱外。收

功能及未衰前。只應今夜西齋夢。不到紅雲北斗邊。

邢長洲見顧贈詩次韻奉謝

寂寞城居恰似村。一溪新漲護寒雲。空嗟葵藿心如  
炙。常佩芝蘭手自薰。滿地江湖期我老。大家風月許  
誰分。歸來未遣門羅雀。車馬時時枉使君。

荷花蕩夜歸次吳水部德徵韻

採芳日暮未言歸。處處村家揜杼機。水漫蓮洲愁路  
斷。月明莎渚覺鷗飛。高歌小海風波急。回首橫塘烟  
火微。蘭棹屢移樽屢倒。不知露下已沾衣。

陪李瑞卿太守登玄墓

傍湖高閣千山暎。繞寺長松一徑分。偏喜故人來燕



集都教先雨洗塵氛。江湖汗漫年俱老，冠蓋從容酒半醺。看遍梅花又歸去，不知何日重論文。

許野別李子陽暮歸有感

野墅沉沉更漏絕，美人去去隔山陰。輕橈蕩月波光碎，春樹連雲夜色深。萬里秋風黃鵠舉，五湖烟水白鷗沉。乾坤此際元無礙，出處從來各有心。

送侶都憲

幾年宦海挹光塵，今日離筵得暫親。天地酒杯還舊約，江湖舟楫正通津。何人可寄安危事，聖主方求社稷臣。見說長安春爛熳，江南猶有抱飢民。

停雲館初成

屋西隙地舊生涯，小室幽軒次第加。久矣青山終老

願居然，白板野人家。百錢湖上輪奇石，四季牆根雜花。儘有功名都，卻酒杯詩卷送年華。

栽竹

帶雨移來玉數竿，清風亭館散輕寒。誰云君子遷喬似，我作僊人跨鳳看。落日便能搖瑣碎，殘年還待報平安。新梢細粉嬌須護，可忍題詩節下刊。

陸全卿送牡丹栽

遠遣娉婷玉兩株，古盆珍重護泥淤。玉含粉黛春應在，紅孕丹砂畝欲舒。只就根荄知上品，行看富貴貴吾廬。主人未絕分支愛，有約還來酒不虛。

會葬顧袁州

冷雨淒風寒暮冬，故人埋玉萬山空。百年歡好幽明



隔此日悲酸遠近同。遙繼牛眠三世後。新瞻鶴表五湖東。吟竟不逐飄塵散。短此應歸夜月中。

舟夜

終朝馳逐櫓聲軋。酒盡孤舟短褐單。田穢草黃年入莫。木明月白夜生寒。老猶多事衰難任。病既辭官賤自安。無限幽懷不成寐。林頭匣劍更須看。

荅趙訓夫書

緘書遠到思纏綿。知我於今豈少年。負國恩深愚有死。累人薦及老無緣。馮唐卑下甘持戟。元亮歸來久廢絃。爭使北山猿鶴怨。荷鋤朝墾雨餘田。

上疏辭温

封章未剖心先畫。坐主應憐祿可辭。蓮社久從元亮

飲草塘不夢惠連詩。青雲北闕空成戀。白髮東甌負所思。祇有春愁不相放。冷風吹雨書絲絲。

述懷

閉戶無端鬢亦絲。尋梅有夢覺方知。懶揮塵案書高積。喜展風簾鳥下窺。兩月春陰愁共結。百年身世老難支。微酣坐睡似入定。又卧拜官如出師。弘景畫牛心獨遠。龜蒙養鴨性還癡。且便東郭田常稔。肯使北山文更移。鄉味已甘菰米飯。舊遊空憶草塘詩。從渠冷暖過還定。自我悲歡往可推。獨鶴於人亦何有。閒庭澗步鎮相隨。

辭温不得請

又裝傀儡出排場。金帶緋袍老逞強。槁木竟爲明所



誤。駑駘端畏道初長。一行作吏閒都廢。二徑無人菊就荒。從此青山勞夢想。黃塵東下海茫茫。

赴溫留別停雲館

書館不能別。疑情撫曲欄。心知爲樂淺。祇覺去家難。水石性終在。菊松盟又寒。殷勤向兒子。好護碧琅玕。

入隆

才入隆中便覺奇。兩崖合璧水連漪。頻回雙目詩難就。兀坐孤舟山自移。斷送客懷須放醉。了還公事未全癡。釣臺兀兀烟霄外。慚愧重來兩鬢絲。

蘭溪道中

清溪曲折路全迷。水鳥翩翩去復棲。雜樹帶烟蒙塢密。濕雲釀雨壓船低。山搖舞袖青垂隴。岼效堆糧黃

近泥最愛人家住。平陸野花黃蝶滿疏畦。

客况

山川饒客况。風雨滯孤舟。天暝不知日。夏寒還似秋。從官不稱嬾。行路每懷憂。坐見蒼烟外。蕭然下海鷗。

金華道中憶君謙

遠別輕千里。經行歷萬山。思君終夕坐。出守幾時還。隄柳吹花盡。溪雲過雨閒。南峰著書處。夢裏更躋攀。

憶石田

回首未千里。相思猶十年。遠情收短札。近事夢離筵。忽忽頭都白。悠悠心更玄。兒曹能活計。家事好拋捐。溪面浮竹圃。山頭壘石田。與君偶符合。來此了前緣。

夜雨



溪舟雨霎至。客枕夜偏多。遠近鳴長溜。凄清捲敗荷。  
旅魂殊錯莫。行色竟蹉跎。酒薄不堪醉。更長獨柰何。

永康

畫舸乘風入永康。疎花綠岬一溪長。山淘麥浪青重  
疊。雲鬢魚鱗白渺茫。王事有程行作吏。勝遊無侶夢  
還鄉。直輸漁父蘆汀畔。斗酒渾家醉野航。

青龍埠會余用昭同行

曉過青龍雨乍晴。方舟喜逐故人行。青山別後渾依  
舊。白髮相看各老成。日上漁家初曬網。波漂麥隴未  
翻耕。風烟觸目皆民隱。未到東嘉已有情。

荅迓

父老欣欣向我親。爭看當日宰官身。依然平昔丹心

在。只比從前白髮新。行歷舊遊傷往事。不忘遺愛愧  
斯民。春風二十年間夢。却笑今來更任真。

謁神

曉竭精誠禮百靈。禮文聊復守官箴。森嚴別有神明  
地。游衍常懷對越心。敢負緋袍民社主。終慚白首簿  
書淫。從今豐歉關吾事。老守其如病已侵。

交藏積

白頭重作守財奴。一笑還操出內符。肯信大夫兼委  
吏。誰云小事可糊涂。不携琴鶴為身累。空倚倉箱壯  
國圖。太息東嘉民力盡。誅求昨已到餘夫。

郡齋偶成

作官糜廩祿。往事積悲傷。老覺江湖好。歸思日夜忙。



簿書勞押字。傀儡倦排場。吏散心初寂。虛堂燈火涼。

寄壁

種菊中庭花有無。小山松竹近何如。痴拋獨樂了公事。悔拾虛名別故廬。伏臘正懸歸老計。經秋不得寄來書。眼昏頭白今如許。料理而翁正在渠。

賀太傅宜興公致仕

聖主其如高尚何。朝辭禁近暮山阿。私評相業如公少。退受賢名較進多。為世得人甘避路。自天寵命極恩波。故鄉賓客多於舊。不嘆門前張雀羅。

鴈蕩

肩輿倒輓百丈強。鳥道斗絕綠青蒼。風撩瀑布雨噴面。天墮石梯雲滿裳。谷中雞鳴萬籟寂。澗底花發千巖香。自慚凡骨不可住。落日悵望仙人鄉。

得家書

一接家書思欲飛。可憐陶令不能歸。夢中鄉路千山近。身外榮圖百念非。官簿悠悠維業障。人情細細隱危機。貧家亦有魚羹飯。何事甘從世網圍。

畫堂

畫堂此日已無情。暫向闌干曲畔行。堪嘆簷前雙燕子。重來何處覓書聲。

書陳匪之同年扇

春波千里漾晴漪。絕壁雲深叫子規。同在江頭敗茶轉。好風偏為破帆遲。

博平春日漫成



東風淡淡釀輕寒。九十光陰已半殘。記得故鄉今上巳。畫船蕭鼓薦春盤。

太僕初上

盡有林泉好。元無案牘參。冗官雖彼賤。委吏亦吾甘。借居龍泉菴。

冷官門戶可張羅。曲徑春深長薜蘿。不道夜來風雨惡。松陰滿地落花多。

醉歸

沉醉歸來山日斜。空林獨坐數棲鴉。性來渴比相如甚。紗帽籠頭自煮茶。

寄宗嚴

嘗笑蘇家軾轍痴。相逢相別苦題詩。而今老我懷尤

惡。夢第思親無限悲。

秋日

秋雨纖纖風瑟瑟。草庭寂寂菊娟娟。種來秫米不供醉。時問同僚借俸錢。

睡醒

月轉槐陰掩半扉。漏聲低注北風微。竹林睡醒無人語。格格空庭伏翼飛。

客去

睡正濃。驚客到。醒空齋。客去雨冥冥。不愁花落春無主。依舊豐山戶外青。

頽陰

頽陰似我愁難解。俗事累人心欲焚。閉戶日猶償酒



債看花時已過春分。

春思

愁。蹙眉稜重。寒欺酒力微。春光雨潛過。心事老知非。

畫眠

門無畫戟自深嚴。盡日高齋不捲簾。獨鶴飛來日停  
午。長松影落晝陰添。

題沈石田畫

蒼崖墨嶂含書法。樹色江聲散釣船。正是先生記歸  
路。城東下水連天。

舟行寫見

山橫塞船頭。鬱然無通路。盡處忽一轉。又入圈中去。  
又

高樹羅岍陰。小舟泊水滸。山罅每成村。男婦盡蠻語。

蘭溪夜泊

岍泊小舟遠。溪跨浮橋長。縣治率西滸。燈火鬱相望。

上頂埠

虛舟橫急流。崩岍絡高樹。問津招牧童。不荅騎牛去。

青龍埠

舟到青龍埠。羣情鎮欣喜。紅日麗中天。綠樹出半水。

馮公嶺

崔嵬幾千丈。躋攀費群力。白雲生壑底。俯視股雙慄。

却金館

生時或狗名。死後方核實。尚書却金館。乃在吏部日。



文温州集卷之一

文温州集卷之二 交游倡和詩一百六十六首

中順大夫浙江温州府知府文林宗儒

京邸秋日懷歸

林

京國流塵撲馬黃。西風都敝客衣裳。湯聯班列非通籍。悔獵科名去故鄉。愁外亂雲秋渺渺。夢中山色夜蒼蒼。遙知寂寞南窓下。叢菊無人只自芳。

用韻送宗儒進士還吳

張泰

字亨父太倉人累官翰林修撰

燕南莎草入秋黃。都下閨人搗練裳。客計蹉跎將問寢。主恩珍重許還鄉。安危遠慮知君素。淺薄愁顏愧我蒼。書錦相逢耆舊減。江湖何處擇年芳。宗儒有永嘉之行往餞客樓奉贈長句

張泰



北來曾並暮江帆。一宦看君再向南。樽酒乾坤懷往路。扁舟吳越謝征驂。月中馴鶴孤標遠。天下廉泉此味甘。左掖郎星元近御。東嘉詩景豈成耽。城樓海色寬秋望。水寺鐘聲節夜談。公暇未妨書裏醉。道存何惜府中叅。幽崖白日群情喜。明府青春百事諳。見說蛟龍能大小。隔年雲雨起江潭。

次韻留別滄洲先生

林

東去清風滿溯帆。東甌更在浙東南。班行已失群公隊。陋巷猶停長者驂。中外於人何可擇。卑微在我本來甘。平生學道求無愧。此去親民况所耽。踈遠漸勞京國夢。聯離偏惜故人談。時名有忌愁多取。宦業如禪且靜叅。縣僻還聞山水勝。地連粗喜土風諳。遙應

到日思君地。秋水凝神月滿潭。

永嘉縣齋懷沈石田先生

林

自古清深地。分官得永嘉。秋深熱還雨。霜薄樹猶花。到海江流盡。帶山城郭斜。乘船看脩竹。疑是到君家。

次韻荅宗儒見懷

沈周

相思一千里。南望是東嘉。錦鯉傳春信。青燈落夜花。鹿城瞻斗近。鴈蕩入雲斜。遠邑方懷惠。馮君莫念家。宗儒至京時。禁不得相見。奉懷小詩。

李東陽

只尺天涯萬里身。別腸終日轉如輪。江湖滾滾多新浪。城市悠悠幾故人。望裡緘封書未達。夢中顏色見猶真。遙知旅館春風夜。一榻寒燈意正親。



京邸次韻答李侍講見懷

林

南北關河一病身。可堪千里逐車輪。故應踈拙難供世轉覺虛名解。誤人滿眼風波心自畏。一番桃李夢非真。玉堂只尺如天上。踪跡雖踈意却親。用李侍講韻送宗儒還永嘉

張泰

有心難作卧雲身。來策征蹄去軋輪。關樹遠烟屯往路。春江華月伴離人。官程不借交歡暇。友道偏於悵望真。海內勲名賢者事。為留佳政縣人親。

次韻留別滄洲先生

林

燈火匆匆欲別身。此心先已付歸輪。軋坤不盡相逢話。江海今成獨往人。愁逐暮雲寒更遠。情淹罇酒澹

還真眼中誰是斯文契。元伯平生意最親。

出京書懷

林

雨過長安塵不飛。馬頭落月滿征衣。城門宵柝聲初靜。驛路早行人尚稀。多病老親憐我別。無依穉子候船歸。時家君官涑水。余妻祁卒于家。坐令官况都如水。不待中年已漸微。

南歸舟中次韻別宗儒

徐源

字仲山長洲人累官副都御史

長江滾滾片帆飛。為客經春盡敝衣。淞水東西清政近。濟川南北故人稀。秋風棘樹鸞應舉。社日花封燕自歸。明發別離齊望越。兩鄉同絆一官微。

雪夜招文永嘉宗儒

劉英

字邦彥杭州人

江空忽見梅花發。臘近仍驚爆竹催。老鬢任從新歲



改清樽留待故人開。乾坤日月車雙轂。今古文章水  
一杯。欲屈高談舒笑口。可能衝雪放舟來。

歲暮客錢唐。邦彥徵君以詩招飲席間次韻

隱君瀟灑有高齋。徑造何煩折簡催。雪砌可人寒不  
掃。溪門待客夜還開。離離燈火分春色。弈弈梅花照  
酒杯。笑殺山陰王長史。不逢安道爲誰來。

承宗儒和詩再答一首

劉英

同雲漠漠護深齋。興到從教漏點催。寒色照人知霰  
集。踈花有喜傍燈開。平生漫說詩千首。一飲還能酒  
百杯。明日雪晴山滿目。更開溪閣待君來。

後三日雪晴同邦彥遊西湖再疊前韻

雪後孤山共探梅。便乘清興不須催。林邊細路和橋  
斷。湖上踈花傍竹開。雲影分明披絮帽。蹄涔彷彿散  
銀杯。酒寬新量詩盈卷。不負凌寒此度來。

用韻同賦

劉英

最愛長堤萬樹梅。試花曾不待春催。日烘山色依稀  
見。天展湖光歛澹開。入寺先呼烹雪茗。隨輿仍有敵  
寒杯。興闌欲去還生戀。更向冷泉亭上來。

雪後博平縣齋夜坐偶成

林

積雪空庭睡未能。漫依典籍坐衰燈。官貧自覺身無  
累。謀拙從教俗取憎。宓賤有琴聊自適。陶潛無酒竟  
何馮。清明寒食相將到。與味蕭然只類僧。



次韻宗儒縣齋寫懷

李應禎 字貞伯長洲人累官南京太僕少卿

清時作縣久稱能。出坐晨鐘入夜燈。有道持身緣自重。無心徇物任人憎。省臺地峻還須到。毀譽情深未可馮。苦行從來堪選佛。天台五百盡高僧。

奉 詔視學南畿出京留別諸友

司馬璽 字通伯山陰人累官福建按察副使

腐儒承命出南畿。章句真為學者師。累世書香餘舊物。百年文運際昌期。經綸事業青霄迥。湖海心情白髮知。珍重故人憐別意。清樽寧惜醉淋漓。傳世青氈幾百年。菲才仍幸與盤旋。肯於崔氏多莊盛。願擬胡門得士賢。海宇文明原有象。古今風月本無邊。惟餘戀闕懷人意。搔首常同北斗懸。

次韻司馬提學留別之作

林

使君聲跡重郊畿。今喜南來士得師。滿坐春風看化育。千山明月共襟期。操衡不負平生志。同榜曾叨夙昔知。珍重行囊詩句好。錦箋投贈墨淋漓。白髮相逢慨昔年。客亭樽酒重回旋。平生學術敦名教。此去勲猷在得賢。吾道鳶魚歸靜裏。錦囊風月屬吟邊。追隨不盡臨分意。江上青山一髮懸。

江浦訪莊定山先生不遇

林

先生高隱謝徵宣。十載空山抱疾眠。應是不容塵客到。白雲深鎖草堂前。

千山雞犬白雲深。為覓堯夫跋馬尋。落盡野花人不見。一林啼鳥答長吟。



承文太僕宗儒枉顧賜詩次韻奉荅

莊景

睡起柴桑問阿宣。是誰驚我北窓眠。留詩識得山人  
嬾。不遣山人拜馬前。  
萬古深山萬古深。深山深處許能尋。洞中也有堯天  
在。擊壤人來擊壤吟。

寄宗儒

沈周

碧雲渺渺一江分。聞道滁山盡屬君。愛是醉翁亭最  
好。每思遊燕讀遺文。

次韻荅石田見懷

林

故園回首兩年分。問訊時時荷隱君。敢謂滁山今屬  
我。正愁塵俗動移文。

觀石田宗儒倡和之作次韻一首

呂憲字秉之嘉興人累官南京太常卿

荷池草閣許誰分。每蹠山中淨業君。若說崢嶸山色  
好。更教詩瘦沈休文。  
石田知醉翁之勝而不知崢嶸  
尤勝宗儒故號崢嶸呀髮僧者也

同前

李應禎

崢嶸呀風月我曾分。不信而今盡屬君。好寄釀泉成實  
惠。莫馮書札是虛文。

宗儒太僕冒雨過宿海月菴劇談竟夕且有買  
田太湖之約因著于詩

吳寬

急雨東來一霎狂。故人此夜到茆堂。試邀明月頻呼  
酒。先遣涼風為掃牀。繞壁清香縈古篆。隔籬踈翠耀  
新妝。匆匆會合成何用。歲晚相期震澤傍。



雨夜宿海月菴匏翁有詩次韻奉荅

莫恠狂夫老更狂。夜深騎馬上君堂。開樽便作燒燈會。倚壁先陳聽雨牀。缺月朦朧開破鏡。踈花狼籍洗殘妝。故山東下三千里。夢見分明在我傍。

宗儒自杭還吳道出嘉興特辱顧過無示京中與吳內翰倡和之作因次其韻

呂憲

驛吏傳書喜欲狂。為余有母故升堂。郊居節後惟籬菊。文事舟中且筆牀。舊友自宜張黍約。新愁無復啟眉妝。時余喪內詞林詩句延陵重。把翫如從笑語傍。奉簡察長呂少卿秉之

林

寒蟾淡孤寺。清夜念佳人。尺地青山開。通宵白。官閒分僻境。歲晚接陽春。獨有梅花發。瑤瑤迥絕塵。辱宗儒寺丞贈詩次韻奉荅

呂憲

山麓開官府。鍾聲散吏人。他鄉誰與舊。益友敢求新。日上門間席。風來坐裏春。老僧居只尺。同訪却紅塵。再贈秉之

林

溪山真有待。今已屬高人。地散官多暇。心清興亦新。亂雲幽谷晚。細草醴泉春。老我空懷戀。無由繼絕塵。

再荅宗儒

呂憲

太僕非閑秩。同官復偉人。名從鳧鳥重。才借鳳樓新。渴望盈盈水。虛懷拍拍春。中年逢與可。詩句脫凡塵。



春日感懷呈秉之

林

綠樹高低淡復濃。弱雲凌亂隱孤峰。愁將多病顏先老。念藉中年心自容。春去郊原寒閉戶。雨餘燈火夜鳴春。為貧不用悲官冷。笑殺明時說卧龍。

次韻宗儒感懷

呂憲

靄靄山雲載雨濃。雨收還對兩青峰。隔林幽鳥如相語。照水孤花只自容。南陌春歸驚短夢。西窓酒醒見高春。擬參玉板禪師去。連日東風長籜龍。

喜宗儒寺丞令弟宗嚴春試得雋奉賀小詩

呂憲

涑水尊翁慶澤深。九原直遂高門心。春塘夢好酒連日。香土馬輕花滿簪。且置元兄說西抹。况聞季弟亦

南。家聲如此官何物。為作丞哉不負吟。

家弟春捷秉之有詩見賀次韻奉酬

林

山木蒼蒼山寺深。冷官堪博比丘心。還家彷彿春城夢。病酒鬢鬢曉墮簪。僕御無才能數馬。緘書有弟達泥金。自慚不及蘇家軾。空賦彭城風雨吟。

偶與宗儒談及世故退而有感

呂憲

茅茨具官宇。我寓豐山東。悵然非偏仄。自念卿秩崇。結髮受父簡。秉心孝而忠。夙夜敢云懈。職限贊佐中。言深忌交淺。開口有違從。子實與舊契。臭味芝蘭同。相將驚歲邁。撫世難立功。似聞多不測。未致園綺翁。



江湖孰憂樂此意先忡忡

次韻秉之述感

林

佳人抱絕色拾翠古城東徘徊陟山麓回視身已崇  
娟娟對白日默默信已忠本無適俗韻而在大化中  
欲行叩天闈路遠不可從願言招伴侶而乃持異同  
結髮事良人不欲邀事功得失迫肺肝豈曰塞上翁  
關雎化遼邈日夕徒忡忡

十月寫懷

呂憲

淮南十月類清秋最愛山扉霧雨收時事向人慵側  
耳晏眠如釋但梳頭將陳病狀求終養敢負王官傍  
此州記得先朝年弱冠殿中時引翠霓裘

次韻秉之寫懷

林

使君高興碧山秋淙上風烟次第收西澗潮生孤艇  
外醉翁泉落兩峰頭久專丘壑為閒吏遠傍江湖望  
帝州萬里壯圖頭似漆豈應回首問菟裘

戊申元夕飲匏翁海月菴夜歸有作

林

元夜笙歌燕帝鄉團團海月上華堂貴家方重傳  
柑會吳味空懷者蜜香最愛燒燈明綺席不嫌翻酒  
汗羅裳歸途瘦馬衝寒甚却恠東家少巨觴  
承宗儒寺丞上元夜歸之作有途中不勝清冷  
之句誦之不覺破顏因次其韻

吳寬

佳節相邀入醉鄉夜深誰肯宿茅堂高懸應恨油燈



暗細嚼聊供粉餌香。即席從容移筆硯。出門顛倒執衣裳。何時更慰清寒苦。一舉仍須累十觴。

蘋蓼乃北方佳果。按飲膳正要作平坡。未知孰是。近有餽者。因賦謝此詩。交和公與木交文笑試一評之。

李東陽

倚風和露不勝垂。盛夏園林出每遲。嚼愛輕鬆宜病齒。漱憐芬潤入詩脾。年過野柰須爭長。實比山梨未後時。莫恠筠籠先到我。風情元許此人知。

次韻同西涯侍講賦蘋蓼

林

名果芳鮮碧顆垂。北來自笑識君遲。最憐膚脆籠香雪。還覺津寒沁蜜脾。青李昔賢空寫帖。木奴南產不同時。曾聞白柰僊家種。絕品源流未可知。

題畫送文太僕宗雋還滁

杜堇

字言符。號樾。居京師人。

南國分司品位清。歐陽人望是先生。封章激烈公卿畏。納諫如流帝主明。隨柳傍花吟興遠。救車羸馬去途輕。春寒病起還相送。二十年前過愛情。

次韻荅言符無謝贈畫

林

老淹牧圉敢言清。祗覺驅馳負此生。流水宦情秋澹薄。碧山歸夢夜分明。從前交誼誰偏重。眼底才名子不輕。珍重新圖先到我。淡烟疎樹不勝情。

雪後文太僕宗儒携杜言符贈詩相示。有二十年前過愛情之句。余辱太僕知愛。實有不在言符下者。因用其末句起興。而復翻次其韻。詩家變例。不自知其可愧也。

潘辰

字時用。括蒼人。累官翰林編修。太常少卿。



二十年來故舊情相逢都覺利名輕貧甘啜水身常  
健老愛看山眼更明兩疏總知關世教一官端不愧  
平生豪談坐對高樓雪便飲羊羔也自清

次韻荅時用

林

一官聊爾逐時情踈遠寧關國重輕直恐壯心空老  
大敢將幼學負皇明迂踈舉世非韓子輕薄從人  
笑賈生到底只輸潘處士衡門無事鎮常清

潞河公館有懷時用

林

二月西風塵滿堤潞河水泮未全衰餘寒應妬春光  
早又客偏驚歸計遲已有冥鴻自高舉更多眠柳不  
勝吹別君正是思君地深夜月明孤館時

次韻荅宗儒潞河見懷

潘辰

嫩人十日住河堤聞道春冰尚未衰韶敝也知從宦  
久囊空應恨到家遲寸心霄漢頻回首兩鬢風霜不  
受吹一帋詩來千萬意為君披誦立多時

冰解將行再疊前韻

林

扁舟行棹古河堤寒氣春深覺漸衰冰泮一溪流水  
遠花開滿眼到家遲顰顏漸赤還因酒短髮長鬆不  
待吹幾欲故園耕隴上此生端恐負明時

北歸舟中寫懷二首

林

驅馳南北歲華更筆札飄零度兩京擊柝未能忘  
盛世為儒只合負虛名青山遊向忙中失白髮生從  
愁裏成長劔倚天雲杳杳孤舟落日杜鵑鳴  
終日思歸苦未歸旅寬常逐暮雲飛江湖身遠殷憂



在兒女情多壯業微。北闕上書。明主棄。西山挂笏。雅懷違。頭顱禿盡。曾何補。只合當年是布衣。

次韻宗儒北歸寫懷

呂憲

作令東甌事最更。文章高古學西京。豈無要路收豪傑。空有生祠拜姓名。往惡伯寮知命在。今嗟貝錦竟讒成。新朝道泰多君子。征彙銛銛珮玉鳴。底約遭婦更緩婦。婦時燕子已飛飛。四門舜日開黃道。一疏梅仙達紫微。未遂勲名猶未老。相期忠孝莫相違。豐山無限薜蘿色。都映趨朝十載衣。

約秉之山行阻雨不果

林

積雨未肯霽。看山負父約。林鳥濕亂啼。巖花風細落。野水流松間。弱雲變丘壑。有琴絃未張。有酒無所托。美人不易逢。良辰故寂寞。誰為誅屏翳。竟以清寒廓。快哉汗漫遊。願後天下樂。

次韻荅宗儒寺丞遊山阻雨之作

呂憲

依依春已遠。忽忽愧前約。滔滔霧雨零。陰陰隘村落。念彼達者情。本在謝安壑。心局轅下駒。所宣每余托。溫風適何來。萬象啓冥寞。西南最秀峰。旦夕亦清廓。且復從公遨。休沐以為樂。

己酉元日

呂憲

三於郡國閱春正。二載龍飛戴。聖明北極紅雲香。篆煖東風金水柳。絲晴江湖卧處驚。垂老禮樂興。期間兩生為。負涓埃未歸去。敝廬元有薄田耕。



元日次秉之韻

林

春王二載頌新正。歡舞群黎日月明。元氣復從皇極建。秦階平見紫微晴。虛甯年少悲前事。無補清時愧此生。住近瑯琊無吏隱。時從野老閱春耕。

訪孔陽先生定山山莊

林

先生別業翠微深。踏雨穿林特地尋。流水繞門花亂落。白雲壓地書還沉。義高未遂逃名計。身遠能忘濟物心。汎汎虛舟湖海濶。幾回擊壤費長吟。

春日山中花亂開。春風騎馬看花來。百年漫有瑤琴在。一笑忘驅俗駕回。水漫野塘經竹去。樹浮石壁間雲栽。先生賸有柴桑趣。柰此蒼生心欲頽。

文太僕宗儒枉顧定山賜詩次韻奉謝

莊景

野人抱病卧雲深。車馬頻勞使者尋。朱旆碧山相映照。滄波白鳥自浮沉。乾坤老絕無狂念。出處公直識此心。檢點風花須領會。也時時和打乖吟。

分付柴扉及卯開。果然消息使君來。天能風雨淹三日。我且溪雲醉百回。何許山花偏照眼。等閒林笋已成栽。白頭此事難能落。敢謂高風可障頽。

同宗儒謁滁陽王廟

呂憲

龍戰江南沸。天兵帳下分。荊州基漢業。尚父冠唐勳。俎豆重簷裡。松杉古澗濱。風雲開國事。流淚對斜暉。

用韻同秉之賦滁陽王廟

林



身後寄碑在。祠前流水分。人悲項王勇。天佑漢高勳。  
朱戶瞻遺像。青林轉古墳。興亡忽如夢。獨立送餘曛。

六月十二日奉天門引滿 林

僕官曾未悉朝參。歛板鳴珂病不堪。父在江湖隨分  
老。偶聯鴛鴦自家慚。千門曉色天顏近。滿袖香烟聖  
澤含。早晚乞身耕隴上。光榮歸與野人談。

宗儒寺丞考最奏引之暇。飲我剪春園。誦早朝  
佳什。即席奉和。奏滿之日。雨沾盛服。故頸聯及  
之。

李東陽

駕行親見。陛前參。僂僂雖勞力尚堪。問馬有曹應  
不忘。伐檀無負定何慚。日邊旗影香烟亂。天上樓陰  
兩意含。總道先生公事了。相過應不廢清談。

宗儒以太僕丞考績南還。邀過玉延亭。酌別出  
示西涯學士所和早朝之作。因次韻奉贈。

吳寬

官非京尹免。墓叅寺板題。銜也自堪。公事共知才未  
盡。直言曾上面無慚。績書駉牝才名出。家寄瑯琊秀  
色含。觸熱却憐分手去。林亭何日重高談。

宗儒南還別贈長句 李東陽

豐山東面瑯琊北。官寺臨山枕溪側。泉香石冷花樹  
踈。幻出春華與秋色。三吳才子洋州裔。清比琅玕才  
數尺。錦囊秀句駉騷人。玉塵雄談驚坐客。誰令散地  
容渠嬾。儘有餘才供世劇。十年溷跡走風塵。三載高  
飛未云極。問君何曹似是馬。丞不負君人自惜。知君



自抱憂國心。豈為承平倦芻櫪。南方匹練累數金。方且按圖為驥索。州官縣吏盡力輸。營下老兵曾未識。書生經濟須實用。多少聲名在文籍。聞君獻納有嘉言。肯避傍人嗔越職。朝來選部書上考。耻以徵催買資格。嗟余竊祿本無能。誤向雲霄問泉石。

次韻奉荅西涯先生

林

十年驅車走南北。事緒紛輪心偏側。不禁塵土汙衣裳。更奈風霜暗顏色。漫竊官資活妻子。可憐得寸先三尺。平生氣槩弭千人。翹然自許凌雲客。寧知與世不相能。顛倒瀾翻真戲劇。悠然爽氣自西山。眇矣浮雲空北極。一官僕隸古校人。遠滯江湖那復惜。羝羊却步念觸藩。老驥長鳴悲伏櫪。冗員無用漫追隨。敝

事如毛費搜索。故人珍重苦推挽。拙不宜時吾自識。只應散秩付悠悠。底用虛名空籍籍。不辭委吏太卑散。踈嬾易供惟此職。正恐隳頽負夙心。敢圖陟獵超常格。一任諸公立要津。自留晚節堅金石。

直沽大水

林

秋水茫茫天宇浮。湍聲鯨吼畏行舟。旅魂獨夜清常坐。楚澤孤臣遠更憂。陰有浮雲蔽白日。蕩無砥柱屹中流。白頭未遂江湖樂。空對滄波沒野鷗。

追次宗儒直沽大水之作

呂憲

積雨高城勢欲浮。驚傳沉竈半居舟。幾年白屋恒饑色。有客丹心獨隱憂。丁字沽南迷萬井。天妃廟下怒雙流。

雙流

廟下會衛河白河二水入海故曰雙流

舉頭便遠長安日。塵土蕭



然下海鷗

宗儒生孫適出按郡未有詩賀今歸輒用東坡韻賦呈一笑

呂憲

婦日兼程夜掃閭高堂已辦阿翁居定知舊物能傳研何以中庸續著書老眼自誇細手慣白鬚翻悔鐫痕餘絲絲瓜瓞從今盛大父他年恐不如

秉之用坡韻見賀生孫而以居易鷓鴣豈以其落韻而有所更定邪既曰用韻恐終非本色仍以

鷓鴣韻復之

林

年來病倦意田間喜見兒曹亦抱鷓鴣衰薄聊堪慰門戶承傳敢望托琴書事關他日能無意慶自先公信有餘且作通家湯餅會未須啼笑問何如

春興四首寄定山先生

林

春到山深總不知晚來拄杖過荒畦東風昨夜開桃李吹折長松又幾枝

三月空山見物華淡黃淺綠映朝霞東風不與春為主吹落梅花又杏花

空山寂寂卧雲深寒結重裘風滿林底事花開又花落從教日日數春陰

水流春去曉增寒山遶雲林風日軋無限春愁病如酒更從驛使問長安

次韻文太僕春興

莊杲

個中消息許誰知領略春光綠滿畦老眼無端還太極過墻零落古梅枝



深山無事也年華。卯酒歡然送臉霞。莫謂山花負頭  
白白頭。我自負山花。

茆屋深山深復深。何曾天地負春林。林間抱甕終還  
我頭白于今已漢陰。

微風潑潑送春寒。欲踏春泥屐未乾。莫恠先生眠不  
起。草簷紅日正相安。

訪定山溪雲亭

林

一笑兩年別重來。三月天嶺雲城矮屋曲。礪沼流泉  
太古山中日。畸人物外緣。惟餘吾道在高卧。閱流年。

次韻謝文太僕枉顧

莊景

白髮眠雲地。黃花對雨天。子能留幾日。吾且慶雙泉。  
老去江山興。平生筆研緣。便須留契帖。題作永和年。

天峰閣與宗儒太僕小酌

莊景

對酌天峰酒。高歌白髮長。乾坤還老病。車馬又柴桑。  
眼底公真妙。山中我敢狂。江雲朝戀戀。此意許誰忘。

次韻答定山先生

林

草閣紅塵遠。空山白日長。人咸重康節。誰復擾庚桑。  
獨醉元非酒。高歌老更狂。山林無限樂。只恐世難忘。

寄宗儒

沈周

秋來懷抱獨無聊。雪鬢鬚鬆短莫搔。手把芙蓉望江  
北。烟波無柰美人遙。

江上秋衙迹本閒。憂時雙鬢亦應班。雖多奏草都然  
卻。高閣紅欄獨看山。

次韻鬲石田

林



秋風聞鴈思無聊故國懷人首重搔吳楚相望一千  
里月明歸夢不知遙

日斜吏散古衙閒鶴印荒苔碧蘚斑公事不多心似  
水此生不恨老滁山

理墳二首奉寄宗儒太僕 沈周

官竹園頭春日斜手開新土漸成窪觀生如寄誰非  
客視死如歸此是家白髮輒存知電露青山長卧有  
烟霞慰勞自假閒詩酒且弄年華與物華

墳已喜傍雲厓未老先曾有此懷鶴表虛名待誰  
錄孤丘宿約與妻偕百年齊裡參諸妄一鍾泥邊打  
早垂免向君王乞骸骨自山生長自山埋

次韻石田理墳

林

春雲撩亂石橫斜鑿破乾坤氣一窪昂盼雞群方傲  
世老思蟬蛻更爲家群山奠玉看新鬢孤鴛悲空送  
斷霞封禪無書生自挽幾年齊物誦南華

吾拾吾形委石厓此民此日入無懷青山同穴于飛  
願白首何心造化偕退覺獨閒忘世味老應自慰任  
時乖知君辛苦如君志爲殉從將筆札埋

乙巳冬客京師初度有感

林

清霜十月滿 皇畿遊子思親感落暉學道無成雙  
鬢白酬恩有地一官微多生未若無生樂今日方知  
昨日非舊業吳門風雨敞可憐懷祿未能歸

宗儒寺丞見示客中初度之作率爾和荅祖韻  
之所遺者或得一二百里中雖不奉面亦可以



資一咲也

周庚

字元巳吳人官南京太醫院判

南北關河總 帝畿蕭蕭衰草映寒暉 置身岷岵親  
庭杳搔首風烟客路微 悲痛百年今日是 夢魂千里  
舊遊非也知四十方強仕 誰謂宜休便可歸

季夏齋居即事

林

溪官門戶冷常關 生意庭前草不刪 獨坐小亭調舞  
鶴偶登高閣見 群山氣將物色交 深夏暑伏秋光待  
老顏竊祿廿年曾不補 欲從疆隄乞生還

次韻宗儒齋居即事

顧福字天錫吳人累官河

門第幽深晝不關 詩成長日向誰刪 著分僻地還通  
水郡遠孤城只見山 夜月且拚花下醉 秋風未老鏡  
中顏 青袍隨分俱君寵 莫謂官閒便乞還

李少卿占只伯借居龍泉菴奉懷二首

林

美人掉首西山去 談笑何由一霎同 多在紫薇泉石  
畔 煮茶暢飲落花風

豐山山下碧梧中 只尺雲迷路不通 長日醉眠思復  
坐 一林啼鳥夕陽紅

用韻招宗儒

李應禎

除陽古寺畫圍中 四面松杉一徑通 一任人嘲吟髻  
白 不知我自醉顏紅

朝 天我已去匆匆 幸此離筵一醉同 莫便不來成  
寂莫 家人會唱落梅風

宗儒南歸遂卧不出意甚念之小詩問訊



呂憲

留帶江鄉桂玉秋。尺書不至使人愁。侏儒枉笑東方朔。款段常隨馬少游。寂寂青山無事酒。悠悠白髮見京樓。相傳物論南金重。薦剡遺才早晚收。

家居次韻答秉之見懷

林

水國荒涼木葉秋。園收芋栗未須愁。白鷗浩蕩三機事。老馬陳疇賦遠游。趣得已深陶令酒。興猶不淺庾公樓。半波馬勃原無用。當道何煩藥籠收。

宗儒在告

沈周

功名大慾淵。取之無一足。朝廷曷忌吝。賢達不盡祿。投林先機鳥。清晝托昏宿。親知念早計。風雨顧茅屋。關門待白髮。歲月在松竹。逍遙風塵表。昨夢破榮

辱尚有舊藏書。坐課諸子讀。

次韻答石田

林

天運有盈虛。人苦不自足。已基九列階。復顧千鍾祿。黃鵠豈不高。中路將焉宿。所以柴桑翁。無心戀華屋。瀚海辭風波。郊居夢花竹。歛余百年身。及此未危辱。愧君先機言。一帋百過讀。

初歸謁文太僕。閱吳太史舊詩。追次其韻。

楊循吉 字君謙 吳人 官儀制主事

歸來共結終身約。城外城中二草堂。不怕相過無菜飯。且容高卧有藜牀。徘徊繒繳思逃辱。收拾囊釵免妬妝。自古山林本難事。從他輕議道邊傍。

辱君謙顧訪贈詩次韻奉答 林



少年追逐老還鄉。不負吳門舊草堂。採藥山中雲滿  
屐。讀書松下石爲牀。當筵有客誇長袖。時世何人識  
淡妝。但得身閒心自逸。何須卜築太湖傍。

遊虎丘與君謙禮部同賦

林

十年重上說經臺。一覽群峰意曷哉。歲月已隨陳迹  
去。江湖閒爲采芳來。松間石級盤盤轉。木末精廬面  
面開。欲賦林巒吟不就。輸他清遠謫仙才。

陪太僕文公登庠丘次韻

楊循吉

埴巖塞谷總樓臺。放目雲霄一快哉。影浴池心孤島  
出。煖兼花氣野風來。綠袍實爲林巒棄。白酒還將禁  
戒開。深荷諸公相汲引。登高欲賦愧無才。

匏翁撤醫俗亭

林

學士高情有歲寒。文章凶次富琅玕。處方自我非真  
俗。容膝當年取易安。要是風流名不泯。莫辭零落手  
重完。野人原是亭中客。惟得殷勤惜畫闌。

竹間舊亭行欲撤去辱宗儒寄詩遂用和答

吳寬

幽棲半畝翠生寒。不見千球與萬玕。豈是主人忘故  
舊。已無童子報平安。古方縱說能醫俗。新製須知亦  
苟完。應傍西園存小扁。此君還約共馮闌。

訪石田有竹莊

林

冥冥三十年。役役遠行邁。人生各有寓。參商發長喟。  
歸來五載游。會晤一何憊。君如九皋鶴。巢穴故然在。  
茲來勿厭遲。瞻望已足快。昔樹今成行。書屋添多解。



大兒玉樹枝。小兒亦瀟洒。登堂禮阿母。出孫呼再拜。  
開讌列肥甘。賓主聿相對。杯酌亂觥籌。謔浪或至再。  
春氣陡鬱蒸。風雨來冥晦。樂極精神移。狂歌增慷慨。  
喜宗儒太僕。枉顧贈詩次韻奉荅

沈周

人生一離合。忽忽歲月邁。青春與白髮。只好增咤喟。  
君子務久要。迹曠心靡懈。請喻江中水。澹薄味常在。  
茲晨風雨橫。來鷁鈍莫快。童子認舊德。殷勤潔塵厓。  
雨亦通人情。收脚漸微洒。顧我有老母。持筐復加拜。  
展席話夙昔。勝與生客對。佐酒無兼味。情留日須再。  
雲天看君遠。林壑信我晦。清歡滿在眼。萬事不須慨。

林

乙卯初度

五十一年真醉夢。百千萬事亦空花。江湖况味閒偏勝。  
桑梓情懷老漸嘉。白髮於人無假借。青山還我作生涯。  
不堪潦倒逢初度。倦倚長林數暮鴉。

沈周

次韻宗儒初度

十月逢生開五帙。鬢絲渾未着霜花。隨方教令民從善。  
每踴謀猷帝曰嘉。文字古非時一樣。功名遠與壽無涯。  
嘗因宦迹尋丹壑。白蝠驚飛大似鴉。

吳寬

同前

屈指曲江同醉後。杏園八度見開花。相逢莫恠皆吳苑。  
遺愛猶誇在永嘉。此道夾持須有得。吾生歸宿豈無涯。  
休嗟五十功名晚。試看樽前鬢似鴉。

同前

呂憲



半百宦情輕似水。小春霜葉豔於花。清存家法堪垂  
裕。起必天恩。屢拜嘉惠。澤桐鄉遺父老。詞源瀚海  
渺津涯。大歡無限。平居趣。猶有新鷄弄墨鴉。

同前

楊循吉

先生易學傳家久。醉晏瓊林曾帶花。人物聖朝多  
偉俊。土風吳郡本清嘉。曾連高誼真難到。津邸晚通  
方未涯。遙想傍求勞側席。豈容閒興逐歸鴉。

同前

李旻 字子陽錢唐人仕  
終禮部侍郎

半百才過鬢未華。小春生日近梅花。頗因循吏知文  
姓。誰向稠人覓孟嘉。宦轍優游臻壽域。漁舟汗漫可  
天涯。期君共閱三千歲。聞道丹田有白鴉。

阻雨雙娥僧舍與宗儒夜話

十宿僧房春未晴。故人為我踏泥行。老隨年去詩成  
感話引杯長。酒在情鈴語報風聲落落。燭枝銷跋火  
熒熒。浮生踪跡直鴻雪。何况於君有宦程。

沈周

雨夜與石田話舊

林

燈火蟬聯親戚話。江湖流浪乍歸人。坐消漏水虛堂  
夜對酌。簷花細雨春無限。悲歡前日事。自家冷煖百  
年身。宦程汗漫今休說。已辨從公習隱淪。

宗儒示余舊藏李洞學士匏硯因拙號適合遂  
以為贈奉謝小詩

吳寬

身垂苦葉入秋肥。紫玉分明滿一圍。遺物未忘殘墨  
少。舊銘猶在昔人非。固辭莫恠還終受。久假安知遂



不歸。應念老夫同氣味。百年文苑許相依。  
以舊藏匏研贈匏翁辱詩見謝次韻奉答。

古研如匏紫玉肥。羅文班剝墨花園。林元豐歲月知縣  
歷。李洞題名果是非。雅號于今誰最稱。斯文舍子欲  
安歸。玉蟾象管追隨地。便覺端嚴得所依。

中秋對月有懷匏翁

林

坐見樓頭月陪明。平分秋色雨新晴。古人珍重惟今  
夕。老我蹉跎已半生。光掩星河浮玉宇。氣兼風露溢  
金精。遙應藜桂虛堂下。滿院清香一笛橫。

次韻荅宗儒中秋見懷

吳寬

秋毫察見最分明。好月當空更喜晴。合有高吟如故

事。幸無淺興是平生。清虛似對嫦娥影。天祿休傳太  
乙精。多感故人相念及。坐看樓外斗杓橫。

重陽卧疾懷匏翁不得見因憶東坡古來四事  
巧相違之句續而成詠

林

古來四事巧相違。剛是重陽病揜扉。寂莫已將佳節  
負。蹉跎還感故情非。風前裹帽羞教墮。籬下看花醒  
獨歸。遙憶美人東部近。登高援筆賦斜暉。

過宗儒北莊乘月夜歸因次重陽高韻

吳寬

古來四事巧相違。旋擬田家置短扉。學圃敢誇今日  
是。開樽未覺老年非。斫頭軋軋挑禾去。樹裏熒熒乞  
火歸。明月滿窓仍列岫。主人堪比謝玄暉。



登飛梁面面開。汲水埋盆聊作  
類。余礪硯澆須酒。與物逍遙登  
塢。及時還買雜花栽。

一作

沈周

爛粵畫圖開。江沙未假三峰  
亭。仍水竹。居然蓬島亦  
松手自栽。

沈周

剖符竹。起子高。計中  
安人立。生才天自庸。  
久行日。奔走來野翁。

林

一尺。詔置我樊籠。  
人咸肆志。衰病顧登  
新詩特勸駕。慚愧石

林

以老無聞甘暴棄。入官有愧故  
到底看來我自真。

沈周

言作郡老難堪。畫中見面人皆  
慚。憂樂滿膺非已事。詩書奪坐有



林用濟以功名動斗南  
以舊蓄茶具寄贈奉謝小詩

吳寬

茶具每隨身。俗緣未盡還分。  
生羽已嘗泉。最美。遲任休說器。

酒驚范景仁。

允謝次韻奉答。

林

口身隱具回看真長。  
金庸晚石鼎還誇發。  
荷皇仁。

沈周

輞國人皆好真難。  
高興希文襟抱負。  
心漫倚樓。

林

輞軒坐吟春草思靈。  
前度客。虎符空縮一。  
心波怕上樓。

先生不至途中有懷

林

又在萬山東。天台路僻雲迷。  
肝脫官忙塵土外。驚回春夢雨。  
近何日。清樽一笑同。



川宗儒誦途中見懷之作因次其

謝鐸字鳴治天台人累官禮部尚書謚文肅

長憶路西東。十年夢裏心無  
慨共憐。交道在。笑談何但酒  
復雨翻雲正不同。

石二首

林

天顏出遊自愧山  
連夕會開樽都把  
靈笑老慳時因迎詔梁  
啼推蓬曉色千山  
似玉掃愁安得醉



